

Na osnovu člana 244. Pravila Sarajevske berze – burze, a u vezi sa članom 53. stav (2) i člana 57c Pravilnika o posredovanju u poslovima sa vrijednosnim papirima (Službene Novine FBiH 34/09, 01/10, 31/10,07/11 i 53/13), te Uprava Berze donosi

**UPUTSTVO**  
**o prijavi poslova sa vrijednosnim papirima zaključenim izvan Berze kao i prijavi poslova sa vrijednosnim papirima preko OTC tržišta**

**Član 1.**

Ovim Uputstvom se definiše način prijave poslova sa vrijednosnim papirima zaključenim izvan Berze ("vanberzanski poslovi") kao i prijavi poslova sa vrijednosnim papirima preko OTC tržišta ("OTC poslovi") u skladu sa Pravilnikom o posredovanju u poslovima sa vrijednosnim papirima.

**Član 2.**

Prijavu posla vrši profesionalni posrednik koji je posredovao u vanberzanskoj transakciji, odnosno profesionalni posrednik kupca ako se radi o OTC transakciji.

Prijavljivanje iz stava 1. ovog člana, profesionalni posrednik vrši elektronskim putem preko BTS-a, putem posebne maske za prijavu unutar Trgovačke radne stanice.

Prijavljena kupovina i prodaja izvan Berze se vodi kao poseban segment tržišta u okviru BTSa, pod nazivom „Vanberzanske i OTC transakcije“.

**Član 3.**

Obavezni elementi prijave iz člana 2. ovog Uputstva su:

- Simbol vrijednosnog papira
- Naziv emitenta
- Datum prijave
- Datum prenosa vrijednosnih papira kod Registra vrijednosni papira u FBiH
- Cijena po kojoj je transakcija zaključena
- Broj trgovanih vrijednosnih papira putem transakcije
- Vrijednost zaključene transakcije
- Broj kupoprodajnog ugovora koji je pravni osnov za prijavu transakcije
- Oznaka profesionalnog posrednika koji je posredovao u transakciji

Ukoliko se radi o prijavi transakcije preko OTC tržišta, pored podataka iz stava (1) ovog člana, navodi se i oznaka profesionalnog posrednika kupca i prodavca u transakciji.

**Član 4.**

Sarajevska berza vodi evidenciju svih prijavljenih transakcija i objavljuje iste putem web-stranice i ostalih kanala komunikacije Sarajevske berze.

Dnevna objava prijavljenih transakcija, u skladu sa članom 24. Pravilnika o objavljivanju informacija i izvještavanju na tržištu vrijednosnih papira, vrši se putem kursnih lista – izvještaja za medije, gdje se navode sve vanberzanske i OTC transakcije koje su Berzi prijavljene do momenta sačinjavanja kursne liste/izvještaja o trgovanju, i koji sadrže najmanje slijedeće podatke za svaku transakciju:

- Datum izvršenja zaključene transakcije (datum prenosa kod RVP-a)
- Simbol vrijednosnog papira, količina, cijena i vrijednost transakcije
- Oznaku profesionalnog/ih posrednika koji su posredovali u transakciji (kupac i prodavac)

U slučaju da se prijava vanberzanske i OTC transakcije od strane profesionalnog posrednika desi nakon sačinjavanja i objave kursne liste - izvještaja o trgovanju za predmetni dan, podaci o ovoj transakciji/transakcijama se objavljuju u kursnoj listi - izvještaju o trgovini slijedeći dan trgovine.

#### **Član 5.**

Cijena iz vanberzanskih i OTC transakcija ne ulazi u izračun službene dnevne cijene predmetnog vrijednosnog papira koji je uvršten na tržište.

#### **Član 6.**

Član Berze dužan je platiti proviziju za prijavu vanberzanske i OTC transakcije, koja se zaračunava u skladu sa Cjenovnikom Berze. U slučaju iz člana 3. stav (2) ovog Uputstva, kupac plaća cjelokupnu proviziju za transakciju.

#### **Član 7.**

Stupanjem na snagu ovog Uputstva prestaje da važi Uputstvo o prijavljivanju kupovine i prodaje vrijednosnih papira zaključenih izvan Berze br. 1 – 667/08.

#### **Član 8.**

Ovo Uputstvo stupa na snagu osmi dan nakon dana donošenja.

Dr Tarik Kurbegović  
Direktor

Sarajevo, 25. 09. 2013. godine  
Broj: 02- 66/13

Broj: 02 - 86/19  
Sarajevo, 30. 10. 2019. godine

Na osnovu člana 90. Statuta Sarajvske berze – burze i člana 83 i 163. Pravila Sarajevske berze – burze d.d. Sarajevo, Uprava Berze na sjednici od 30. 10. 2019. godine, donijela je

### **UPUTSTVO**

o dopuni Uputstva o prijavi poslova sa vrijednosnim papirima zaključenim izvan Berze kao i prijavi poslova sa vrijednosnim papirima preko OTC tržišta

#### **Član 1.**

Ovim Uputstvom vrši se dopuna Uputstva o prijavi poslova sa vrijednosnim papirima zaključenim izvan Berze kao i prijavi poslova sa vrijednosnim papirima preko OTC tržišta broj: 02- 66/13 od 25. 09. 2013. godine, tako što se u članu 2. stav (2) iza riječi „profesionalni posrednik vrši elektronskim putem preko BTS-a“ dodaju riječi: „najkasnije do 14:00 sati predmetnog dana“

#### **Član 2.**

Ostale odredbe Uputstva, ostaju nepromjenjene.

#### **Član 3.**

Ovo Uputstvo stupa na snagu danom donošenja.

Dr Tarik Kurbegović  
Direktor